

Nossa raspada



CORPORAZIUN
EVANGELICA
VALSOT

Gesu disch a Tumasch: *Pervia cha tū m'hast vis, hast tū cret? Beats quels chi nun han vis e chi tantüna han cret.* (Joan 20,29)

Allegra!

A blers es quist scolar skeptic simpatic: Ningün nu's lascha gugent dar da crajer cha Gesu saja mort dal fraid: uschè sdruaglia la resüstanza eir nos spiert da perscrutader. Nus nu pudain sco Tumasch tendscher nan nos man e controllar. Hoz consultaina pel solit our da sgüra distanza il guaffenin in nossa busacha. Brav am dà il telefonin risposta e manaja chi dependa: Tenor la cretta cristiana saja la resüstanza ün evenimaint istoric e supernatüral, tenor ils istorikers nu's chattan cumpruvas, e cha la filosofia haja amo üna jada üna pruna opiniuns. Che far cun quist resultat ambivalent? I nu güda nögl'oter co quai chi ha güdà a noss antenats: Ris-char da crajer quai cha nus nu pudain verer. Da quista cretta nascha gronda fiduzcha in vista a bleras dumondas, a las qualas i nu dà simplas respostas (neir brich dal telefonin), per exaimpel co ch'eu less viver mia vita passagera.

A tuots üna buna Pasqua!

rav. Christoph Reutlinger

Pravenda evangelica

7559 Tschlin

tel. 081 866 32 63

www.valsot-ref.ch

Cults divins avrigl 2026

Venderdi sonch, ils 3 avrigl

09:30 Ramosch

11:00 Strada

17:00 Tschlin

rav. Christoph Reutlinger

Pasqua, ils 5 avrigl

(cun Soncha tschaina)

09:30 Martina

11:00 Tschlin (cun la società da musica da Tschlin)

17:00 Samignun

rav. Christoph Reutlinger e vicara Romana Giossi

Firà da Pasqua, ils 6 avrigl

(cun Soncha tschaina)

09:30 Ramosch

11:00 Vnà

rav. Christoph Reutlinger e vicara Romana Giossi

Dumengia, ils 19 avrigl

09:30 Ramosch

11:00 Martina

vicara Romana Giossi

Dumengia, ils 26 avrigl

09:30 Strada

11:00 Tschlin

rav. Christoph Reutlinger

Volver, per plaschair!

Giantar cumünaivel a San Niclà

i'l caffè sper l'En

Mercurdi, ils 29 avrigl a partir da las 12:00.

Per plaschair s'annunzchar pro Cilgia Etter:

079 530 70 58

Vacanzas

Dals 11 als 18 avrigl n'haja vacanzas. In cas urgients as poja contactar a rav. Bettina Schönmann da la Val Müstair:
081 858 51 55.

Grazcha per l'incletta,
rav. Christoph Reutlinger

Tanter anzas e plets – temp in cumpagnia

Cun o sainza lana: Tant il profi sco eir il principiant sun bainvgnüts per passantar ün davo-
mezdi pachific in buna cumpagnia.

Venderdi, ils 17 avrigl 2026, a las 14:00 i'l caffè Plazzin Ramosch

Sper agens progets, as poja gugent portar rests da lana (spaits da ca. 4mm, da lavar a 30°C)! Nus lavurain insembel vi d'üna cuverta, fatta cun 48 quaderins (15cm sün 15cm). Cur cha la cuverta sarà pronta, tilla regalaina a l'Ospidal o la Chasa punt ota. La tecnica es simpla e po gnir impraisa güst là.

Eu m'allegri!

vicara Romana Giossi